



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

Anr.440/2021

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Zyhdi Haziri kryesues, Rrustem Thaqi dhe Burim Ademi anëtarë, me pjesëmarrjen e zyrtares së lartë ligjore Florije Krasniqi-Pireva, duke vendosur përkritazi me ankesën e subjektit politik Lidhja Demokratike e Kosovës (LDK), të paraqitur kundër subjektit politik Lëvizja Vetëvendosje (LVV), për shkak të thyerjes së heshtjes zgjedhore, për Zgjedhjet e Parakohshme për Kuvendin e Republikës së Kosovës të datës 14.02.2021, në seancën e panelit të mbajtur me datë.15.02.2021, mori këtë:

## V E N D I M

**Pranohet** e bazuar ankesa e evidentuar si Anr.440/2021, e të datës 14.02.2021, e paraqitur nga subjekti politik, Lidhja Demokratike e Kosovës (LDK), për shkak të thyerjes së heshtjes zgjedhore, Subjektit politik Lëvizja Vetëvendosje (LVV), i Shqiptohet gjobë, në lartësi prej 1,500 (njëmijë e pesëqind euro) euro, dhe detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënimin e dënimit shtesë.

## A r s y e t i m

Me datë 14.02.2021, PZAP-i ka pranuar ankesën Anr.440/2021, nga subjekti politik LDK, e paraqitur kundër subjektit politik LVV, në të cilën pretendon se në ditën e zgjedhjeve më datë 14.02.2021 në oborrin e shkollës së mesme të lartë Gjimnazi “Aleksandër Xhuvani”, e cila njëkohësisht ishte edhe Qendër e Votimit në qytetin e Podujevës, simpatizantët e subjektit politik LVV-së, kanë përdorur numrin e 127 të po këtij subjekti politik duke vendosur përpara veturës, kurse anash veturës në të majtë posterin e përbashkët të kandidatit për deputet Fatmir Humolli, nga Podujeva dhe Albin Kurtit.

Me këtë rast paraqitësi i ankesës thekson se është bërë shkelje e Ligjit për Zgjedhjet e Përgjithshme. Parashtruesi i ankesave si provë ka bashkangjitur fotografi të printuara në cilësi të provave materiale.

Në përgjigjet në ankesë subjekti politik LVV thekson se mungon legjitimiteti i palës e cila ka parashtruar ankesë, sepse vetura në të cilën janë bartur posterat me përmbajtje elektorale nuk është pronë e LVV-së dhe as nuk e ka në posedim faktik të njejtën. Vetura ka qenë private e indentifikuar me targa dhe subjekti ankues ka mundur lehtë të fillon procedurë ndaj personit fizik i cili eventualisht kam bërë shkelje ligjore.

PZAP-i, pas shqyrtimit paraprak të bazueshmërisë së ankesës dhe vlerësimit të pretendimeve ankimore, provave materiale – fotografive të bashkangjitur, që gjenden në shkresat e lëndës, në kuptim të nenit 117 paragrafi 2 dhe 3 të LZP-së, gjeti se:

#### **Ankesa është e bazuar**

Nga shkresat e lëndës shihet se simpatizantët e subjektit politik LVV, në ditën e zgjedhjeve më datë 14.02.2021 në oborrin e shkollës së mesme të lartë Gjinnazi “Aleksandër Xhuvani”, e cila njëkohësisht ishte edhe Qendër e Votimit në qytetin e Podujevës, kanë përdorur numrin e 127 të po këtij subjekti politik, duke vendosur posterin me numrin e partisë 127 prapa veturës, kurse anash veturës në të majtë posterin e përbashkët të kandidatit për deputet Fatmir Humolli, nga Podujeva dhe Albin Kurtit, veprim ky i cili është në kundërshtim me nenin 36 paragrafi 1 pika b, të LZP-së, me të cilin ka bërë promovimin e subjektit politik LVV dhe kandidatit për deputet nga radhët e këtij subjekti politik, ku me këtë veprim ka bërë thyerjen e heshtjes zgjedhore.

Paneli, vendimin e tij e mbështet në dëshmi të qarta dhe bindëse, konform nenit 117 par.3 të LZP-së, andaj nuk i mori parasysh pretendimet e paraqitësit të përgjigjes në ankesë, pasi që nga ana e tyre nuk u ofrua ndonjë dëshmi e cila argumenton pretendimet e tyre.

Andaj PZAP, duke marr parasysh këtë si dhe në mbështetje të dispozitave ligjore të LZP-së konstaton se LVV, është përgjegjëse për veprimet e tyre, pasi që me veprimet e lartëcekura ka shkelur nenin 36, paragrafi 1, pika b) të LZP-së, që përcakton veprimet e ndaluara para procesit të votimit ku thuhet se 24 orë para hapjes së Qendrave të Votimit për hedhjen e votës, deri në mbylljen e tyre, subjekteve politike, mbështetësve ose kandidatëve të tyre u ndalohej bërja e fushatës në çfarëdo mënyre.

Paneli, me rastin e shqiptimit të gjobës si në dispozitiv të këtij vendimi, u mbështet në dispozitat e lart cituara, e në veçanti duke marr parasysh rrethanat e rastit siç janë:

- Natyra e shkeljes dhe ndikimit të mundshëm të saj, në procesin zgjedhor;
- Shkallën dhe peshën e shkeljes;
- Faktin se kemi të bëjmë me shkeljen nga mbështetesi
- Faktin se subjekti politik të cilit i është shqiptuar gjoba LVV ka marrë pjesë në zgjedhjet e mëparshme,
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, vlerëson se gjoba e shqiptuar si masë, përveç aspektit të dënimit në raport me subjektin që nuk e ka respektuar Kodin e Mirësjelljes, shërben edhe si masë preventive që në të ardhmen subjektet politike të përmbahen nga veprimet që bien ndesh me rregullativën ligjore, që të mos cenohet heshtja zgjedhore duke siguruar klimë të qetë dhe të përshtatshme për votim të lirë si bazament i një procesi demokratik zgjedhor.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli mbi bazën e të dhënave të lartcekuar në mbështetje të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtrës**  
Anr.440/2021 më datë 15.02.2021

**Kryesues i Panelit**  
Zyhdi Haxiri

**Këshillë juridike:** *Kundër këtij vendimi nuk lejohet ankesa konform nenit 118.4 të LZP-së.*

